



[lsuc.on.ca/indigenous-initiatives](http://lsuc.on.ca/indigenous-initiatives)

This Oji-Cree Roman fact sheet is also available in Cree Roman, Cree Syllabic, Oji-Cree Syllabics, Northwestern Ojibwe Roman, English and French.

## Kiin ina Anishinini, aapitawikosisaan naata kikici-kiiwetinoowi-anishinini kaa pakosentank cikikenimaac enanokiic The Law Society of Upper Canada?

### Mii enanokiic The Law Society of Upper Canada

Kakina Ontario kaa anokiic otayamihtamaake miina anokiinaakan oka wintinaan omsinahikanens The Law Society of Upper Canada okank. Law Society opapaamisiikantaan kecinaac otayamihtamaaken miina anokiinaakanan kwayak citootaminic otanokiiwininiin. Peshik ninkici anokiwininaan ciwahkawiinontamaank ekaa kaa minwencikaatekin.

### Piitamawac The Law Society ekaa kaa minwencikaatenik otayamihtamaake naanta anokiinaakan kaa ishicikenic

The Law Society opitamaakoon Onahcikewinan, Anishininiwan, Aapitawikosisaanan miina Kici- kiiwetinoowi-Anishininiwan ekaa kaa minwentaminic otayamihtamaaken miina anokiinaakanan kayishicikenic.

Ewii kecinaawiyaank kahkina kekoon ciwiintamaakooyan kiishpin ahpii ayishiseyan cikanootamwac otayamihtamaake naanta anokiinaakan otishicikewin.

Ohowe wiintamaakewin ihkitoomakan aan eshi piicikaatek, ayamicikaatek, naanaakatawencikaatek miina eniishi miinwahcikaatek macisewin.

### The Law Society eshi kanawaapantank ekaa kaa minwencikaatenik

The Law Society otayamihtoonan kaashi mamaaniiwakenimiminc otayamihtamaaken naanta anokiinaakanan kaa piikonank otanokiiwin miina/naanta ekaa kwayahk kaa ishicikec<sup>1</sup>. Kaawin eta kaa wawaniic niwaapantasiimin kwayahk kaye citootank otanohkiiwin miina nitaawanohkiic inintishi naakacihaamin.

Kaa kanawaapantamaank ekaa kaa minwencikaatek, ninkocitoomin cimaamiinwahtooyaank. Naanta eshkam, ninka naanaakachicikemin miina paahpahkaanayek nintishikaapawiihtaamin macihcikewin kaa mikikaatek.

Kiishpin otayamihtamaake naanta anokiinaakan mikawinc ekici wawaniic, kaye nintaa kii kakwe miinwahtoomin, cimasinahamawinc keyishicikec, pehkaac ciyishicikec ciyininc, kihkinwahamaakewi wiicihiwewinan cimiininc, cikihkinwahamawinc keyishicikec, ciwintamawinc ciyanokaatank otishisewin naanta ehkosenick ciwinaakoninc otayamihtamaake naanta anokiinaakan kaa piikonikec<sup>1</sup>

---

<sup>1</sup> Naanta kaashi mamachicikec kaayitekin:

- Kwanta kaa ayinakincikec, kwanta kaa ayinahtoooc keyishi tipahamawinc
- Ekaa wiipac kaa piyaashitentank naanta ekaa wiipac kaa tootank otayamihtamaakewin
- Ekaa kaa ashitentank onanaantooshaakoowin.



This Oji-Cree Roman fact sheet is also available in Cree Roman, Cree Syllabic, Oji-Cree Syllabics, Northwestern Ojibwe Roman, English and French.

## Aani kaa macencikaatenik otanokiiwin otayamihtamaake naanta anokiinaakan keyishi piitamawinc The Law Society

Mishiin ekaa kaa minwencikaatenik otanokiiwin winciseni kaa anokawaac taapishkooc kiin. Naanta takii wincisewan kotak otayamihtamaake naanta anokiinaakan, otoonaakoniwe, winaakonike anokiinaakan, akwaci onahcikewinan, shimaakanishiikaank naanta kaye Law Society anokiinakanikaank.

Kiishpin ekaa kikentaman keyishi wiintaman ekaa kaa minwentaman, kitaakii kanoonaa otanokii peshik.

Mii oweniwan kekiiyishi miinac The Law Society ekaa kaa minwentamwac:

1. **Kitowinink:** Anishinini, Aapitawikoosisaan miina Kici-Kiiwetinoowi-Anishinini takii pikito ekaa kaa tipahikaatek 1-800-668-7380 ext. 3363 naanta 416-947-3363
2. **Piinci piiwaapik:** kicipitooon, mooshkinepiihan miina pakitinan pepan (PDF) piiwaapikoonk: [www.lsuc.on.ca](http://www.lsuc.on.ca)
3. **Masinahiken:** Masinahamaw Law Society ishinishahan:  
The Law Society of Upper Canada, Osgoode Hall, 130 Queen Street West, Toronto, Ontario, M5H 2N6  
Attention: Complaint Services
4. **Ishaayan:** Piishaan cipiitooyan kimooshkinepiihikan.

## Keshi wiichihik The Law Society piitooyan ekaa kaa minwentaman

Ninkikentaamin iitok ciyaanimahk cipikanoonishiyaank miina cimiinishiyaank ekaa kaa minwentaman.

Ninkii onasaamin otanokiik ke wahkawiinontamiwaac ekaa kaa minwentaminic Anishininiwan, Aapitawikosisaanan miina Kici-Kiiwetinoowi-Anishininiwan. Otanokii maawiin kikakii wiichikoowaa.

Kitaakii kanoonaa otanokii kaawii ishi pakitinaman ekaa kaa minwentaman kitishisewin. Kika pisintaak miina ciwiichihik paahpahkaanayek keyishi kanootaman ekaa kaa minwentaman. Aatika, kiishpin aanimihtooyan masinahikeyan, pikanoonishinaam. Kika pisintaakoo, ciyani masinahikaatekin kitikitoowinan miina ciwiintamaakooyan kekii ishi wiichikooyan.

Kaye, kiishpin kotak awiya, kitinawemaakan naanta kitootem, antawenimac cimooshkinepiihamawik, kikakii tootaan kiishpin ihiwe inentaman.

- 
- Kaa aahkwaatisiiwiyaac naanta kaa macenimiwec
  - Ekaa kwayahk shooniyaan kani akimaac
  - Kwanta kaa tootawaac shooniyaan naanta kaashi otaahpinaac shooniyaan
  - Ekaa kaa masinahank kaaniishicikec naanata ekaa kaa tipaatotank otoonaahkonikewi anohkiiwin
  - Ekaa kaa piminishahank onaahkonikewiwinahcikewinan naanta kaye tribunal



[lsuc.on.ca/indigenous-initiatives](http://lsuc.on.ca/indigenous-initiatives)

This Oji-Cree Roman fact sheet is also available in Cree Roman, Cree Syllabic, Oji-Cree Syllabics, Northwestern Ojibwe Roman, English and French.

## Keshi wiichikooyan mekwaac anohkaatek ekaa kaa minwentaman

Ninkikentaamin pikakwecimik onanaantawencike ciyaanimahk. Wiintamawishinaam keyantawentaman ciwiichikooyan ciwiintamawishiyaank kaa ishisahik otayamihtamaake naanta anokiinaakan.

Kitaakii kakwecimikoo kitishikiishwewinink kiishpin inentaman. Kehcinaac ciminosek kikakwecimikoowin ninkakwe wiitanokiimaamin otinwehtamaakek kaakitentamiwaac anishininiwaatisowinini.

Kitaakii piinaa kotak awiya, tapishkooc kitinawemaakan naanta kitootem mekwaac kaa kakwecimikooyan kiishpin kaa piinac ekaa kikisec nanaantawencikewinink miina otayamihtamaaken kaye anokiinaakan kaa nanaantawenimintwaa.

Kiishpin ekaa kaa minwentamwac otayamihtamaake otanokiiwin *Independent Assessment Process* ichikaate omawinehikewin otishkoonii, naanta kotak ihiwe ishikikewin *Indian Residential Schools Settlement Agreement* kaa wincisek kikakii kakwetwe otaahkosiwi anokii ciyasho wiichihik.

## Aanapii miina aani ketootank The Law Society naanaakacitooc ekaa kaashi minotootaakoowac

Ninka maacii naanaakacihaamin otayamihtamaake naanta anokiinaakan noontamaank ekaa kwayahk etootank otanokiiwin. Otayamihtamaake naanta anokiinaakan cipakitinaac The Law Society onanaantawencikeman ci:

- Piintikenic otayamihtamaake naanta anokiinaakan otanokiiwikamikoniik;
- Cinanaantawaapantaminic pepanoon kaawinci naanaakacihinc, kaye pahkaan awiyan opepanominiin.
- Kakwetwen miina kamiiniko wiintamaakewin miina masinahikanan, kaye ciyaashitemac keshi kakwetwec onanaantawencike miina cipakitinaman kitikitowin.

## Kiin eta miina kaawin pahkaan awiya cikikentank

Kiin eta cikitentaman miina ekaa pahkaan awiya cikikentank pepanoon kaa miinishiyaank kaye kaa wintinamaank kaa nanaantawencikyaank onci kanawencikaatewan onaakonikewinink miina keyishi pakitinikaatek acimoowin.

## Kekoonan kaa kanawaapantamaank awiya kaa kici wawaniic

Kaatepwetamaank otayamihtamaake naanta anokiinaakan ahpin kwanta kaa tootank otanokiiwin, ohoweniwan kwayahk ninaanaakatawentaamin kaani onentamaank keshi wahkawiinontamaank:

- Aani minikok kaa piikonank otanokiiwin;
- Kekiin kitishisahikoowin, ekaa kaa minwentaman;
- Keshi ninici macisahaac awiyan otayamihtamaake naanta anokiinaakan;
- Otanokiiwi kanoonikoowin otayamihtamaake naanta anokiinaakan;
- Wiin Otishisewinan otayamihtamaake naanta anokiinaakan;
- The Law Society kaakiiyishi kakwewiichihaac otayamihtamaaken naanta anokiinaakan; miina
- Minikok kaa waapantank otishikikewin otayamihtamaake naanta anokiinaakan.



[lsuc.on.ca/indigenous-initiatives](http://lsuc.on.ca/indigenous-initiatives)

This Oji-Cree Roman fact sheet is also available in Cree Roman, Cree Syllabic, Oji-Cree Syllabics, Northwestern Ojibwe Roman, English and French.

## Keyishi wahkawiinoontank The Law Society anokiiwinini kwanta kaa toocikaatenik

Kaawin kahkina The Law Society otoonaakonaasiin kaa kwanta ishicikenic otayamihtamaaken naanta anokiinaakanan. Tekwac, ninka ishicikemin ciwiichankic cimaamiionikec.

Aatika, ciinankic:

- Masinahamawinc otayamihtamaake naanta anokiinaakan kekii ayishicikec;
- Cimiininc otayamihtamaake naanta anokiinaakan kepiminishahank ‘kaaminwaashink anokiiwin’;
- Ciwiintamawinc ekaa miinawaa citootank otayamihtamaake naanta anokiinaakan;
- Cikihkinwahamaakoc wiici ayamihtamaakeman naanta anokiinaakanan kwayahk keshi anokiic;
- Ciwaapamaac peshik naanta niishin otayamihtamaaken kaa apiitamaakenic;
- Ciyinahtamawinc otayamihtamaake naanta anokiinaakan kikinwahamaakewinini cimiininc;
- Ciyinahtamawinc otayamihtamaake naanta anokiinaakan maamiinomowewinini naanta mashkikiini ciwitaapinank.

Ohowe kaawinci toocikaatek ekakwe miinwahcikaatek macisewin, ciwiichinc otayamihtamaake naanta anokiinaakan ciwitaapinank omamaaniwin, ciwawenahtoc ekaa miinawaa ciisisec weti niikaan.

Shaakoc itash, aanti kaashi antawentaakwaninik, The Law Society okaa maacii onaahkanaan otayamihtamaaken naanta anokiinaakanan ahpin keyishi, ciyinahtamawinc, otayamihtamaakewi masinahikanens ciwitaahpinikaatenik ekaa cikii anohkiic.

**Ohowe kikentan – niikatenikewin:** ohowe onaahkonikewi wiintamaakewin noonkom kaakii oshippihikaatek. Onaahkonikewi wiintamaakewin kaawin kikakii wiintamaakosiin keyishicikewan. Kitaakii kakwetwe ketootaman kitishisewin.